



Broj: 05-02-4-489/18  
Sarajevo, 07.05.2018. godine

- **Institucije Bosne i Hercegovine**

PREDMET: Informacija o postupanju kod donošenja rješenja za gorištenje godišnjeg odmora za državne službenike u institucijama BiH za 2018.godinu, dostavlja se.-

S obzirom na brojne upite koje svakodnevno Agencija za državnu službu Bosne i Hercegovine dobija vezano za posljednju izmjenu Zakona o državnoj službi u institucijama BiH (u daljem tekstu: Zakon), koja je objavljena u "Službenom glasniku BiH", broj 93/17, a odnosi se na izmjenu člana 46. Zakona kojim se reguliše odsustvo i godišnji odmor državnih službenika u institucijama Bosne i Hercegovine (u daljem tekstu: institucija BiH), smatramo potrebnim pojasniti primjenu navedene norme u cilju izbjegavanja bilo kakvih nejasnoća.

Izmjenom člana 46. Zakona sada je propisano da državni službenik ima pravo na plaćeni godišnji odmor u trajanju utvrđenom aktom rukovodioca institucije od najmanje 20 radnih dana i na plaćeno odsustvo od pet radnih dana u jednoj kalendarskoj godini (stav 1.), da se godišnji odmor iz stava 1. ovog člana uvećava se po osnovu radnog staža i drugim pojedinačno određenim kriterijima, u skladu s podzakonskim aktom (stav 2.), te da ukupno trajanje godišnjeg odmora ne može iznositi manje od 20 niti više od 30 radnih dana (stav 3.).

Imajući u vidu citiranu važeću normu Zakona, kao i činjenicu da je novi podzakonski akt kojim se reguliraju kriteriji za određivanje dužine godišnjeg odmora državnih službenika u institucijama BiH u fazi izrade i vjerovatno će se primjenjivati tek na godišnje odmore državnih službenika u 2019. godini, obavještavamo vas slijedeće:

U izradi rješenja za korištenje godišnjeg odmora državnog službenika u instituciji BiH za 2018. godinu, a prilikom obračunavanja broja radnih dana na koje državni službenik ima pravo, **Zakonom propisani minimum od 20 radnih dana se uvećava u skladu sa važećom Odlukom o uslovima i načinu korištenja godišnjeg odmora za državne službenika i zaposlenike u ministarstvima i drugim organima uprave Bosne i Hercegovine, službama, tijelima i institucijama Vijeća ministara Bosne i Hercegovine („Službeni glasnik BiH“, broj 27/04).**

Institucije nemaju potrebu izrađivati nikakve posebne interne akte u konkretnom slučaju, budući da se važeći podzakonski akt i do sada primjenjivao kod sačinjavanja rješenja za godišnje odmore državnih službenika, uz razliku minimuma radnih dana za godišnji odmor, a kako je propisano Zakonom.

Dostavljeno:  
- naslovu  
- arhiva



DIREKTOR

*Neven Akšamija*  
Neven Akšamija